

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-09-2/19. od 24.01.2019. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa VD Direktor Mr. Zijad Memišević (u daljem tekstu: Ugovorni organ)
2. **ADVOKAT DŽEMA HASANAGIĆ - MILAIMI iz Sarajeva**, ul. Sarači br. 77, registrovan kod Advokatske komore BiH, broj: 123/2000 od 01.06.2000.god., identifikacijski broj kod Porezne uprave FBiH Kantonalni ured Sarajevo 4300083590007. (u daljem tekstu: Izvršilac usluga)

Dana 24.01.2019. godine, u Sarajevu zaključuju

UGOVOR O ZASTUPANJU I PRUŽANJU PRAVNE POMOĆI

Član 1.

Predmet ovog Ugovora je regulisanje međusobnih odnosa povodom zastupanja i pružanja pravne pomoći za potrebe Ugovornog organa od strane Izvršioca usluga **za 2019. godinu.**

Ugovor se zaključuje na osnovu člana 28. Tarife o nagradama i naknadi troškova za rad advokata („Službeni list FBiH“ broj: 22/4 i 24/04).

Vrijednost ovog Ugovora iznosi **do 6.000,00 KM bez PDV-a.**

Član 2.

Izvršilac usluga se obavezuje da će prema Zakonu o advokaturi, savjesno, stručno, a prema zakonima i drugim propisima u BiH zastupati interese Ugovornog organa, koji su u neposrednoj vezi sa pravnim poslovima, i to:

- usmena pravna mišljenja i pravni savjeti,
- pismena pravna mišljenja i pravni savjeti,
- učestvovati u predlaganju najboljih normativnih rješenja kod Ugovornog organa, koji proizilaze iz zakona i drugih propisa.

Član 3.

Ugovorne strane su se sporazumjele da će Izvršilac usluga zastupati Ugovornog organa u radnim sporovima koji se vode pred Općinskim sudom Sarajevo, i to - broj:

1. 65 O Rs 631461 17 - tužiteljica Hadžić Zijada,
2. 65 O Rs 635094 17 - tužiteljica Butmir Mirela,
3. 65 O Rs 628703 17 - tužiteljica Drkenda Džemila,
4. 65 O Rs 629190 17 - tužiteljica Husović Nezira,
5. 65 O Rs 629194 17 - tužiteljica Džinić Zenaida,
6. 65 O Rs 653869 17 - tužiteljica Rizvo Emina.

Ugovorne strane su se sporazumjele da Izvršilac usluga ima pravo naplate troškova za preduzimanje parničnih radnji u sudskim postupcima navedenim u prethodnom stavu ovog člana od strane Ugovornog organa, i to nakon svake obavljene parnične radnje, sve po ispostavljenoj fakturi shodno važećoj advokatskoj tarifi.

Član 4.

Ugovorne strane su se saglasile da prijedlozi i mišljenja Izvršioca usluga nisu obavezujući za Ugovornog organa.

Isključivo pravo angažovanja advokata pripada direktoru Ugovornog organa, ili uposleniku Ugovornog organa kojeg ovlasti direktor.

Za angažovanje advokata-Izvršioca usluga, Ugovorni organ se obavezuje izdati urednu punomoć, kao punomoćniku za izvršavanje pravnih poslova.

Član 5.

Izvršilac usluga nije ovlašten za potpisivanje bilo kakvih dokumenata kojima se stvaraju materijalne obaveze za Ugovorni organ, izuzev onih koji se odnose na konkretne radnje u postupku koji se vodi u interesu Ugovornog organa i za koje je on zakonom ovlašten.

Izvršilac usluga nema pravo potpisivanja za Ugovorni organ i ovjeru potpisa pečatom Ugovornog organa, osim u onim slučajevima u kojima je to na poseban način precizirao Ugovorni organ.

Član 6.

Izvršilac usluga je obavezan da čuva poslovnu tajnu Ugovornog organa.

Član 7.

Ugovorne strane su se sporazumjele da će Ugovorni organ na ime nagrade i naknade troškova za rad Izvršioca usluga, pod uslovima iz člana 1. i 2. ovog Ugovora, iznos fakturisane nagrade isplaćivati na njegov račun otvoren kod PROCREDIT BANKE Sarajevo.

Ugovorne strane su se sporazumjele da će Ugovorni organ parnične troškove po sporovima koji su definisani članom 3. predmetnog Ugovora, shodno važećoj advokatskoj tarifi, isplaćivati po ispostavljenoj fakturi u roku od 7 dana od dana prijema iste.

Ugovorne strane su se sporazumjele da je obaveza Ugovornog organa da plati porez po ovom Ugovoru na naprijed navedeni iznos, ukoliko isti podliježe plaćanju shodno važećim zakonskim normama, kao i sve druge dažbine koje je shodno zakonu i drugim propisima dužan da izvršava.

Član 8.

Ugovorne strane su saglasne, a imajući u vidu karakter usluge, da će sva eventualna nejasna i sporna pitanja isključivo sporazumno rješavati.

Ugovorne strane su saglasne da svaka od njih može u svako vrijeme otkazati ovaj Ugovor, ali ne i u vrijeme koje bi konkretno otkazivanje Ugovora izazvalo posljedice za neku od ugovornih strana.

Član 9.

Ukoliko Izvršilac usluga otkazuje Ugovor, dužan je zastupati interese Ugovornog organa još 30 (trideset) dana, dok Ugovorni organ ne obezbjeđi drugog Izvršioca usluga.

Član 10.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

ADVOKAT
IZVRŠILAC USLUGA
Džemal Habić
Satači 77, Sarajevo

Broj: _____
Datum: 24.01.2019

UGOVORNI ORGAN

Broj: 13-09-4/19.
Datum: 24.01.2019.godine